

福嚴推廣教育班第 34 期

## 《十住毘婆沙論》卷 9

〈四法品第十九〉

(大正 26, 65c19-68c6)

釋厚觀 (2017.09.30)

### 壹、菩薩應離、應行之諸類四法

(壹) 應離四種失智慧法，應行四種得智慧法

一、修三十二相業以智慧為本，故應遠離退失智慧法，常修習得智慧法

如所說得三十二相諸業，菩薩應一心修習，修如此三十二相業以慧為本。是故：退失慧四法，菩薩應遠離；得慧四種法，應常修習行。

有四法能退失慧，菩薩所應遠離。復有四得慧法，應常修習。

### 二、別釋

(一) 失智慧四法

何等四法失慧？<sup>1</sup>

<sup>1</sup> (1) 《大寶積經》卷 112 〈43 普明菩薩會〉(大正 11, 631c21-25)：

菩薩有四法退失智慧，何謂為四？

(1) 不尊重法，不敬法師。(2) 所受深法，祕不說盡。(3) 有樂法者，為作留難，說諸因緣，沮壞其心。(4) 橋慢自高，卑下他人。迦葉！是為菩薩四法退失智慧。

(2) 《佛說遺日摩尼寶經》(大正 12, 189b10-13)：

菩薩有四事法智慧為減，何等為四事？

一者、不敬經、不敬師，二者、人有欲聞經者中斷之，三者、人有求深經者愛惜不肯與，四者、自貢高輕侮他人。是為四。

(3) 《佛說摩訶衍寶嚴經》(大正 12, 194a28-b3)：

菩薩有四法失般若波羅蜜，云何為四？

一者、不尊法、不敬法師。二者、為法師者慳惜格法。三者、欲得法者為法作礙，呵責輕易，不為說法。四者、憎慢貢高、自大譽毀他。是謂迦葉！菩薩有四法失般若波羅蜜。

(4) 《佛說大迦葉問大寶積正法經》卷 1 (大正 12, 200c22-28)：

世尊告迦葉言：「有四種法破壞菩薩智慧。」

迦葉白言：「四種法者，其義云何？」

「四種法者：一者、於佛教法而生輕慢。二者、於法師處憎嫉法師。三者、隱藏正法令不見聞。四者、他欲樂法數數障礙，瞋恚斷善，覆蓋不說；誑賺他人，唯自求利。迦葉！如是四種，是名壞滅菩薩智慧。」

- 一、不敬 (66a) 法及說法者。
- 二、於要法祕匿<sup>2</sup>倍惜。
- 三、樂法者，為作障礙壞其聽心。
- 四、懷橋慢，自高卑人。

迦葉！是為菩薩四法退失智慧。

## (二) 得智慧四法

何等四法得慧？<sup>3</sup>

(5) 《大乘寶雲經》卷 7 〈7 寶積品〉(大正 16, 276a28-b11)：

爾時佛告寶積菩薩言：「善男子！有四種法退失菩薩智慧。何謂為四？」

(1) 於佛正法無尊重心，亦不恭敬是說法者，慳嫉正法。(2) 設有人來求正法者而不為說。(3) 於樂法者為作留難。(4) 遮護覆藏自生橋慢，復加誹謗說正法者。寶積！如是四法退失智慧。」

(6) 《大寶積經論》卷 1 (大正 26, 205c20-206a2)：

問曰：云何不尊重等法，令能退失智慧？

答曰：(1) 瞠恨故不敬，不敬故不聞，不聞故不生解，以不生解故，即現退失智慧。(2) 倍惜諸法，所受諸法祕不盡說，故不聞；不聞故於未來世中眾緣不具；緣不具故退失智慧。(3) 有樂法者為作留難，說諸因緣沮壞其心，說有餘言。所犯覆藏不能悔過等故，得聞障報已，聞障報故得愚癡因，是故未來必得愚癡，以愚癡故退智慧。(4) 其心橋慢、自高讚己，卑下他人故令恨他，以恨他故即為倒說；已顛倒說故，於未來世中招倒，以招倒故退失智慧。

(7) 印順法師，《寶積經講記》，pp.24-26。

<sup>2</sup> 匿（ㄋㄧˋ）：1.隱藏，隱瞞。（《漢語大詞典》（一），p.969）

<sup>3</sup> (1) 《大寶積經》卷 112 〈43 普明菩薩會〉〈43 普明菩薩會〉(大正 11, 631c26-29)：菩薩有四法得大智慧。何謂為四？

(1) 常尊重法，恭敬法師。(2) 隨所聞法，以清淨心，廣為人說，不求一切名聞利養。(3) 知從多聞生於智慧，勤求不懈，如救頭然。(4) 聞經、誦持、樂如說行，不隨言說。是為菩薩四法得大智慧。

(2) 《佛說遺日摩尼寶經》(大正 12, 189b14-18)：

菩薩復有四事法智慧為增，何等為四？

一者、恭敬經、尊師。二者、人有來聽經者不中斷。三者、人有欲得深經者不愛藏。四者、具足為人說經，不從人有所徼冀，常自精進，常隨法行不嘆說。是為四。

(3) 《佛說摩訶衍寶嚴經》(大正 12, 194b4-9)：

菩薩有四法得般若波羅蜜。云何四？

一者、尊法、敬重法師。二者、隨受聞法、廣為他說，心無愛著亦無所求，為般若波羅蜜故，捨一切財物，求多學問如救頭然。三者、聞已受持。四者、行法不著言說。是謂迦葉！菩薩有四法得般若波羅蜜。

- 一、恭敬法及說法者。
- 二、如所聞法及所讀誦，為他人說，其心清淨，不求利養。
- 三、知從多聞得智慧故，勤求不息如救頭然。
- 四、如所聞法，受持不忘，貴<sup>4</sup>如說行，不貴言說。是為四。

**(貳) 應離侵食善根四法，應修習增長善根四法**

**一、欲增益智慧，應遠離侵食善根法，修習增善根法**

若人不壞諸善根者，是人能捨失慧四法，能行得慧四法。是故求增益智慧者，如偈說：食<sup>5</sup>善根四法，菩薩應遠離；增善根四法，菩薩應修習。

**二、別釋**

**(一) 侵食善根四法**

何等是侵食善根四法？<sup>6</sup>

(4)《佛說大迦葉問大寶積正法經》卷1(大正12, 201a6-12)：

佛告迦葉波：「有四最上法觀，增長菩薩大智。」

迦葉白言：「是義云何？」

「此四法者：一者、於佛教法深生尊重。二者、於法師處勿生輕慢。三者、如聞得法為他解說，起正直心，不求一切利養。四者、稱讚多聞增長智慧，一向正心如聞受持，行真實行而不妄語。迦葉！此四種法增長菩薩大智慧故。」

(5)《大乘寶雲經》卷6〈7寶積品〉(大正16, 276b-17)：

善男子！有四種法增長菩薩摩訶薩廣大智慧。何等為四？所謂<sup>(1)</sup>敬重正法及說法者。<sup>(2)</sup>隨所聽得微妙正法，廣為他人分別解說，不求名聞，無希望心而為說法。<sup>(3)</sup>勤求正法，如救頭然。<sup>(4)</sup>隨所聞聽，堅固受持，如法修行。善男子！如是四法增長菩薩廣大智慧。

(6)印順法師，《寶積經講記》，pp.27-29。

<sup>4</sup> 貴：4.崇尚，重視，以為寶貴。(《漢語大詞典》(十), p.147)

<sup>5</sup> 食：1.通“蝕”消耗，虧耗。3.通“蝕”消亡。(《漢語大詞典》(十二), p.477)

<sup>6</sup> (1)《大寶積經》卷112〈43普明菩薩會〉(大正11, 632a12-16)：

復次，迦葉！菩薩有四法所生善法滅不增長。何謂為四？<sup>(1)</sup>以憍慢心讀誦修學路伽耶經。<sup>(2)</sup>貪利養心詣諸檀越。<sup>(3)</sup>增毀菩薩。<sup>(4)</sup>所未聞經違逆不信。

(2)《佛說摩訶衍寶嚴經》(大正12, 194b21-25)：

菩薩成就四法，生善法則滅，善不增長。云何為四？

一者、貢高憍慢，學世經典。二者、貪著財物數至國家。三者、嫉妬誹謗。

四者、未曾聞經聞說誹謗。是謂迦葉！菩薩成就四法，生善則滅，善不增長。

(3)《佛說大迦葉問大寶積正法經》卷1(大正12, 201b22-28)：

有四法具足，令諸菩薩已生、未生善法皆令滅盡，永不增長。

迦葉白言：「云何四法？」

「一者、世間所有深著我見。二者、觀察種族，住著利養，行呪力事。三者、

- 一、懷憍慢，貪求世事。
- 二、著利養，出入諸家。
- 三、起憎嫉，謗諸菩薩。
- 四、未聞經，聞不信受。

## (二) 增長善根四法

何等是增長善根四法？<sup>7</sup>

瞋恨菩薩，偏讚佛教不普稱讚。四者、未聞難見經法聞之疑謗。如是迦葉！具此四法，令諸菩薩已生、未生善法皆悉滅盡，永不增長。」

- (4) 《大乘寶雲經》卷 7 〈7 寶積品〉(大正 16, 276b29-c4)：  
善男子！具四種法，菩薩摩訶薩一切善根不得生長。何等為四？  
<sup>(1)</sup>自生憍慢。<sup>(2)</sup>勤求世間文章、呪術。<sup>(3)</sup>勤求利養、貪著名聞。<sup>(4)</sup>以欺誑心而誑於他。善男子！具是四法，菩薩摩訶薩一切善根永不增長。
- (5) 《大乘集菩薩學論》卷 10 〈7 護受用福品〉(大正 32, 104b8-12)：  
若善菩薩具此四法，則未生善法令滅，已生善法亦不增長。何等為四？  
<sup>(1)</sup>謂於世間深著過慢。<sup>(2)</sup>巧構言辭耽著利養。<sup>(3)</sup>樂觀種姓，嫌讚菩薩。<sup>(4)</sup>於未說未聞契經而輒生誹謗。
- (6) 印順法師，《寶積經講記》，pp.34-36。

- <sup>7</sup> (1) 《大寶積經》卷 112 〈43 普明菩薩會〉(大正 11, 632b28-c4)：  
復次迦葉！菩薩有四法，所生善法增長不失。何謂為四？  
<sup>(1)</sup>捨離邪法，求正經典——六波羅蜜菩薩法藏。<sup>(2)</sup>心無憍慢，於諸眾生謙卑下下。<sup>(3)</sup>如法得施，知量知足，離諸邪命，安住聖種。<sup>(4)</sup>不出他人罪過虛實，不求人短。若於諸法心不通達作如是念：「佛法無量，隨眾所樂而為演說，唯佛所知，非我所解，以佛為證，不生違逆。」迦葉！是為菩薩四法，所生善法增長不失。
- (2) 《佛說遺日摩尼寶經》(大正 12, 189c1-7)：  
菩薩有四事，求經道及有所求索不中斷。何謂四事？  
<sup>(1)</sup>但求索好經法，六波羅蜜及菩薩毘羅經，及佛諸品。<sup>(2)</sup>去瞋恚之心，敬事十方天下人，如奴事大夫。<sup>(3)</sup>樂於經，不為外道自益身也。<sup>(4)</sup>自守不說人惡及讒溺於人，所不聞經不限佛智也，隨其所喜經者各自聞得。是為四。
- (3) 《佛說摩訶衍寶嚴經》(大正 12, 194b26-c4)：  
菩薩成就四法，善不衰退、增長善法。云何為四？  
一者、樂聞善法、不樂聞非法，樂六度無極菩薩籤藏。二者、下意不慢眾生。三者、以法知足、除去邪慢，他犯不犯、不說其過，不求他人誤失之短。四者、所不知法不說是非，以如來證，如來無量境界隨眾生根，佛所說法我不能達。是謂迦葉！菩薩成就四法，善不衰退、增長善法。
- (4) 《佛說大迦葉問大寶積正法經》卷 1 (大正 12, 201c8-17)：  
佛告迦葉波：「有四法具足，令諸菩薩善法不滅得法增勝。」  
迦葉白言：「云何四法？」

- 一、所未聞經，求之無厭，所謂六波羅蜜菩薩藏。
- 二、於眾生，除憍慢心，謙遜下<sup>8</sup>下。
- 三、如法得財，趣<sup>9</sup>足而已，離諸邪命，樂行四聖種行<sup>10</sup>。
- 四、於他罪，若實不實，無有刺譏<sup>11</sup>，不求人短。

**(參) 應離四諂曲法，應修四直心相**

**一、欲增益善根，應遠離諂曲相，常修習直心相**

若於法中有所不達，心不違逆，以佛為證<sup>12</sup>，佛是一切智，其法無量，隨

「一者、願聞其善，不願聞惡，求行六波羅蜜及菩薩藏。二者、除去我見，心行平等，令一切眾生得法利歡喜。三者、遠離邪命，得聖族歡喜，不說他人實不實罪，亦不見他過犯。四者、若此深法自智不見，而不謗毀彼佛如來，如是而見、如是而知，我不能知佛智無邊種種無礙，如來為諸眾生演說此法。如是迦葉！具此四法，令諸菩薩善法不盡得法增勝。」

(5) 《大乘寶雲經》卷6〈7寶積品〉(大正16, 276c4-12)：

善男子！具有四法菩薩摩訶薩生生世世增長善根，轉勝明淨，不復退失。何謂為四？

<sup>(1)</sup>捨離一切不淨之法，勤求一切清淨正法。夫正法者，所謂六波羅蜜菩薩法藏。<sup>(2)</sup>於諸眾生心無憍慢，猶若家犬，如法受施，而自知量，捨離一切諸邪慢等。<sup>(3)</sup>安心知足，住於聖種。<sup>(4)</sup>不說他人罪過虛實，不求人短。

(6) 印順法師，《寶積經講記》，pp.36-39。

<sup>8</sup> 下：10.居人之下，謙讓。(《漢語大詞典》(一), p.306)

<sup>9</sup> 趣：1.通“取”。僅僅。2.通“取”。求取，采取。(《漢語大詞典》(九), p.1142)。

<sup>10</sup> (1) 《中阿含經》卷21〈15長壽王品〉(86經)《說處經》(大正1, 563b22-c10)。

(2) 《十住毘婆沙論》卷17〈33助尸羅果品〉(大正26, 116b23-b24)：

四聖種者：所謂趣得衣服而足，趣得飲食而足，趣得坐臥具而足，樂斷樂修行。

(3) 《大智度論》卷27〈1序品〉(大正25, 258a19-20)：

復有四聖種道：不擇衣、食、臥具、醫藥、樂斷苦修定。

(4) 印順法師，《初期大乘佛教之起源與開展》，p.201：

四聖種是：隨所得衣服喜足；隨所得飲食喜足；隨所得房舍喜足；欲斷樂斷，欲修樂修。……律制又有「四依」，是受具足時所受的，內容為：糞掃衣、常乞食、樹下住、陳棄藥。「四依」，其實就是「四聖種」，《僧祇律》說：「依此四聖種，當隨順學！」稱四依為四聖種，足以說明四依是依四聖種而轉化來的。《長部》的《等誦（結集）經》，立四聖種，而《長阿含》的《眾集經》，就稱第四為「病瘦醫藥」。所以，「四依」是除去第四聖種，而改為「陳棄藥」，作為出家者不能再簡樸的生活標準。

<sup>11</sup> (1) 刺譏：亦作“刺幾”。猶言譏刺。(《漢語大詞典》(二), p.657)

(2) 譏刺：譏評諷刺。(《漢語大詞典》(十一), p.434)

<sup>12</sup> 證：1.憑證，證據。2.以之為准則。(《漢語大詞典》(十一), p.429)

宣而說，非我所知。如是增益善根四法，非諂曲<sup>13</sup>者所能成就。是故：  
**菩薩應遠離，諂曲相四法；應常修習行，直心相四法。**

在家、出家菩薩，應遠離四諂曲法，如曲木在稠林<sup>14</sup>難可得出。如是<sup>15</sup>世間有佛弟子，雖入佛法，不能得出生死深林。

## 二、別釋

### (一) 四諂曲法

何等為四？<sup>16</sup>

<sup>13</sup> (1) 諂曲：曲意逢迎。(《漢語大詞典》(十一), p.314)

(2) 《十住毘婆沙論》卷 4 〈7 調伏心品〉(大正 26, 37a11-12)：  
諂者，心佞媚。曲者，身、口業現有所作。

<sup>14</sup> 稠林：密林。(《漢語大詞典》(八), p.103)

<sup>15</sup> [是] – 【宋】【元】【明】【宮】。(大正 26, 66d, n.1)

<sup>16</sup> (1) 《大寶積經》卷 112 〈43 普明菩薩會〉(大正 11, 632a24-28)：  
復次，迦葉！菩薩有四曲心所應遠離。何謂為四？

(1) 於佛法中心生疑惑。(2) 於諸眾生憍慢瞋恨。(3) 於他利養起嫉妬心。(4) 詬罵菩薩廣其惡名。迦葉！是為菩薩四曲心，所應遠離。

(2) 《佛說遺日摩尼寶經》(大正 12, 189c7-10)：

菩薩有四事，心不委曲當遠離。何謂為四？

一者、猶豫於佛法。二者、自貢高瞋恚，頑恨用加於人。三者、貪嫉諛訕。  
四者、說菩薩短。是為四。

(3) 《佛說摩訶衍寶嚴經》(大正 12, 194c4-8)：

復次，迦葉！心有四曲，菩薩當除。云何為四？

一者、猶豫疑於佛法。二者、憍慢不語，恚怒眾生。三者、他所得利，心生慳惱。四者、毀訾誹謗，不稱譽菩薩。是謂迦葉！心有四曲，菩薩當除。

(4) 《佛說大迦葉問大寶積正法經》卷 1 (大正 12, 202a2-7)：

佛告迦葉波：「有四種法，生不正心離菩薩行。」

迦葉白言：「云何四法？」

「一者、疑惑佛法，心不愛樂。二者、我見貢高，瞋恚有情。三者、他得利養，貪愛憎嫉。四者、於佛菩薩不生信敬，亦不稱讚而復毀謗。迦葉！如是四法，生不正心離菩薩行。」

(5) 《大乘寶雲經》卷 7 〈7 寶積品〉(大正 16, 276c12-19)：

菩薩有四種諂曲之心，常應捨離。何謂為四？

於諸佛法心生疑惑、不決了等，於諸不毀謗當作是念：「唯佛作證！佛法無量，為諸眾生隨機所說，甚深難解，唯佛自知，非我所解。」是故不生違逆之心。善男子！是名四法，令眾生生<sup>(1)</sup>憍慢心<sup>(2)</sup>瞋恨惱等。<sup>(3)</sup>於他利養起嫉妬心。<sup>(4)</sup>呵罵菩薩廣其惡名。善男子。是名四種諂曲之心，菩薩摩訶薩常應捨離。

(6) 印順法師，《寶積經講記》，pp.39-41。

- 一、於佛法懷疑不信，無有定心。
- 二、於眾生憍慢、瞋恨。
- 三、於他利，心生貪嫉。
- 四、毀（66b）謗菩薩，惡聲流布。是為四。

## （二）四直心相

何等是四直心相？<sup>17</sup>

<sup>17</sup> (1) 《大寶積經》卷 112 〈43 普明菩薩會〉(大正 11, 632a28-b6):

復次，迦葉！菩薩有四直心之相。何謂為四？

(1) 所犯罪終不覆藏，向他發露，心無蓋纏。<sup>(2)</sup>若失國界、身命、財利，如是急事，終不妄語，亦不餘言。<sup>(3)</sup>一切惡事：罵詈、毀謗、撾打、繫縛，種種傷害，受是苦時，但自咎責，自依業報，不瞋恨他。<sup>(4)</sup>安住信力，若聞甚深難信佛法，自心清淨，能悉受持。迦葉！是為菩薩有四直心之相。

(2) 《佛說遺日摩尼寶經》(大正 12, 189c10-15):

菩薩有四事，直行至誠。何謂為四？

一者、自有過惡不覆藏，自悔欲除其罪。二者、實諦，亡命、亡國、亡財，不兩舌。三者、設有災變妄起，至罵詈、數數輕易及撾捶、閉著牢獄，設有是，當自悔前世惡所致。四者、無恨無瞋恚自信。是為四。

(3) 《佛說摩訶衍寶嚴經》(大正 12, 194c9-15):

菩薩有四順相。云何為四？

一者、所犯發露而不覆藏，心無纏垢。二者、真言致死終不違真。三者、所說而不相奪一切，侵欺、呵罵、輕易、撾捶、縛害，一切是我宿命所作，不起恚他、不生使纏。四者、堅住不信他說，至信佛法，亦不信之，內清淨故。是謂迦葉！菩薩有四順相。

(4) 《佛說大迦葉問大寶積正法經》卷 1 (大正 12, 202a13-22):

佛告迦葉波：「有四種法，令諸菩薩得柔軟相。」

迦葉白言：「云何四法？」

「一者、所得阿鉢羅諦，得已發露，終不覆藏，遠離過失。二者、彼須真實所言誠諦，寧可盡於王位、破壞富貴、散滅財利、捨於身命終不妄語，所言真實，亦不令他言說虛妄。三者、不發惡言毀謗蔑無一切眾生，乃至善與不善鬭諍、相打、禁繫、枷鎖，如是之過亦不言說，恐自成罪，得業果報。四者、依彼信行，深信一切諸佛法教，心意清淨。迦葉！如是四法，令諸菩薩得柔軟相。」

(5) 《大乘寶雲經》卷 7 〈7 寶積品〉(大正 16, 276c20-28):

菩薩摩訶薩具有四種真實之相。何等為四？

(1) 所謂於所犯罪終不覆藏，向他發露，懺悔改往，心無蓋纏。<sup>(2)</sup>若以實言，應失國土、身命、財物，如是急事不捨實語，亦不異緣作諸餘語。<sup>(3)</sup>一切惡事、罵詈、誹謗、撾打、繫縛、種種傷害，受此苦時，但自咎責推於往業，不瞋恨他，不懷其惡。<sup>(4)</sup>善住信力自心淨故，若於諸佛甚深之法難信難解，悉能信受、讀誦、受持。善男子！是名菩薩有四真實質直之相。

- 一者、有罪即時發露，無所隱藏，悔過除滅，行無悔道。  
二者、若以實語，失於王位及諸財寶，猶不妄語，口未曾說輕人之言。  
三者、若人惡口罵詈<sup>18</sup>、輕賤、譏謗、繫閉、鞭杖、考<sup>19</sup>掠<sup>20</sup>等罪，但怨前身，不咎<sup>21</sup>於他，信業果報，心無恚恨。  
四者、安住信功德中，諸佛妙法，甚難信解，心清淨故，皆能信受。

**(肆) 應離四敗壞菩薩法，應修四調和菩薩法**

**一、欲行四直心相，應捨離敗壞菩薩法，修習調和菩薩法**

敗壞菩薩行四諂曲，調和菩薩有四直行，是故菩薩，欲不行諂曲相，欲行直心。如說：應捨離四種，敗壞菩薩法；應修習四種，調和菩薩法。

**二、別釋**

**(一) 四敗壞菩薩法**

云何名為四敗壞菩薩法？<sup>22</sup>

(6) 印順法師，《寶積經講記》，pp.41-44。

<sup>18</sup> 罷詈（ㄌㄧˋ）：罵，斥罵。（《漢語大詞典》（十二），p.833）。

<sup>19</sup> 考＝拷【宋】【元】【明】【宮】。（大正 26，66d，n.2）

<sup>20</sup> 考掠（ㄎㄩㄝˋ）：拷打。（《漢語大詞典》（八），p.636）。

<sup>21</sup> 咎（ㄐㄧㄡˋ）：3.憎恨，厭惡。4.責怪，追究罪責。（《漢語大詞典》（三），p.309）。

<sup>22</sup> (1)《大寶積經》卷 112〈43 普明菩薩會〉(大正 11, 632b6-10)：

菩薩有四敗壞之相，何謂為四？

(1) 讀誦經典而生戲論，不隨法行。(2) 不能奉順恭敬師長令心歡悅，損他供養。(3) 自違本誓而受信施。(4) 見善菩薩輕慢不敬。迦葉！是為菩薩有四敗壞之相。

(2)《佛說遺日摩尼寶經》(大正 12, 189c15-19)：

菩薩有四事難調也，何謂四事？

一者、學經自用不隨師法。二者、所受教不用也，不慈孝於師。三者、受比丘僧所信句，妄與他人。四者、不敬於成就菩薩。是為四。

(3)《佛說摩訶衍寶嚴經》(大正 12, 194c16-20)：

菩薩有四惡。云何為四？

一者、多聞調諛、行不如法，不順教誡。二者、離於正法不敬師長，不消信施。三者、失戒、定、慧，癡惱受施。四者、見於調御智慧菩薩不敬、貢高而輕慢之。是謂迦葉！菩薩有四惡。

(4)《佛說大迦葉問大寶積正法經》卷 1 (大正 12, 202b6-12)：

佛告迦葉波：「有四種法，令諸菩薩心意剛強。」

迦葉白言：「云何四法？」

「一者、所聞最上勝法，心不樂行。二者、於法非法雖知淨染，淨法不行而行非法。三者、不親近阿闍梨及師法等，信受妄語，不知食處。四者、見諸菩薩具其勝德，都無恭敬，我見輕慢。迦葉！如是四法，令諸菩薩心

- 一、多聞而戲調，不隨法行。
- 二、於教化而生戲論，不敬順和尚<sup>23</sup>、阿闍梨。
- 三者、不能消人信施，毀壞防制而受供養。
- 四者、不敬柔善菩薩，心懷憍慢。是為四。

## (二) 四調和菩薩法

云何名為四調和菩薩法？<sup>24</sup>

意剛強。」

(5) 《大乘寶雲經》卷 7 〈7 寶積品〉(大正 16, 276c28-277a6)：

善男子！具有四法，懶惰難調難伏之相。何謂為四？

(1) 讀誦經典翻為戲論，雖口說法不隨順行，於諸教誨違逆不信。<sup>(2)</sup> 不能隨順恭奉供養和上、闍梨諸福田等令心喜悅。<sup>(3)</sup> 損他信施恭敬供養，自違本誓而受信施。<sup>(4)</sup> 見諸調御菩薩大士，輕欺生慢而不恭敬。善男子！是名菩薩有四種法，懶惰難調難伏之相。

(6) 印順法師，《寶積經講記》，pp.45-46。

<sup>23</sup> 和尚=和上【宋】【元】【宮】。(大正 26, 66d, n.3)

<sup>24</sup> (1) 《大寶積經》卷 112 〈43 普明菩薩會〉(大正 11, 632b10-15)：

菩薩有四善順之相。何謂為四？

(1) 所未聞經，聞便信受，如所說行；依止於法，不依言說。<sup>(2)</sup> 隨順師教，能知意旨，易與言語，所作皆善，不失師意。<sup>(3)</sup> 不退戒定，以調順心而受供養。<sup>(4)</sup> 見善菩薩恭敬愛樂，隨順善人，稟受德行。迦葉！是為菩薩有四善順之相。

(2) 《佛說遺日摩尼寶經》(大正 12, 189c19-23)：

菩薩有四事易調也。何謂為四？

一者、所聞經法隨教不過，所聞者但聞取法，不取嚴飾。二者、當恭敬於師無諛謗。三者、食知足，持戒、三昧如法。四者、見成就菩薩，持善心向，心、口、身亦爾，亦欲及其功德。是為四。

(3) 《佛說摩訶衍寶嚴經》(大正 12, 194c21-25)：

菩薩有四智：一者、未聞者聞行如法。二者、依義不以文飾。三者、順教戒善語，所作皆善、孝順師尊，得戒定慧而食信施。四者、見於調御智慧菩薩，興善敬心。是謂迦葉！菩薩四智。

(4) 《佛說大迦葉問大寶積正法經》卷 1 (大正 12, 202b20-26)：

佛告迦葉波：「有四種法，令於菩薩知見明了。」

迦葉白言：「云何四法？」

「一者、聞善樂行，聞惡樂止，知法真實，棄背邪偽，受行正道。二者、遠離毀謗，純善相應，美言流布，眾所愛敬。三者、親近師教，知彼食處，調伏諸根，戒、定不間。四者、自得菩提，不捨眾生，行實慈愍，令彼愛樂廣大真德。迦葉！如是四法，令於菩薩知見明了。」

(5) 《大乘寶雲經》卷 7 〈7 寶積品〉(大正 16, 277a6-17)：

- 一、常樂聞所未聞法，聞已能如所說行，依法、依義、依如說行。
- 二、隨順義趣，不惑言辭，調和易化，於師事中用意<sup>25</sup>施<sup>26</sup>作。
- 三、不失戒定，清淨活命。
- 四、於<sup>27</sup>調和菩薩，生恭敬心，隨順情重，破橋慢心，求其功德。

**(伍) 應離四種錯謬，應修四種菩薩道**

**一、遠離四種錯謬，修習四種菩薩道，方名調和菩薩**

復次，菩薩有四種錯謬，常於此中求菩薩短，是名敗壞菩薩；若能親近四種善道，是名調和菩薩。如偈說：

**菩薩應遠離，四種菩薩謬；菩薩應修習，四種菩薩道。**

**二、別釋**

**(一) 四種錯謬**

何謂菩薩四種錯謬？<sup>28</sup>

---

善男子！菩薩有四調順之相。何謂為四？

(1) 隨所聞法而善說之，如說而行；依止於法，不依言說。<sup>(2)</sup>承奉師教，能知意旨，易與言語，所作皆善，不失師意。<sup>(3)</sup>不退戒定，以調順心而受供養。<sup>(4)</sup>見諸善調信順大士，恭敬愛樂，隨順善訓，稟受德行。善男子！是名菩薩有四調順之相。

(6) 印順法師，《寶積經講記》，pp.46-48。

<sup>25</sup> 用意：1. 謂用心研究或處理問題。2. 著意，留意。(《漢語大詞典》(一), p.1026)

<sup>26</sup> 施：1. 施行，施展。2. 紿予，施捨。(《漢語大詞典》(六), p.1576)

<sup>27</sup> 於= (諸)【宋】【元】【明】【宮】。(大正 26, 66d, n.4)

<sup>28</sup> (1) 《大寶積經》卷 112 〈43 普明菩薩會〉(大正 11, 632b15-20)：

菩薩有四錯謬。何謂為四？

(1) 不可信人與之同意，是菩薩謬。<sup>(2)</sup>非器眾生說其深法，是菩薩謬。<sup>(3)</sup>樂大乘者為讚小乘，是菩薩謬。<sup>(4)</sup>若行施時，但與持戒，供養善者，不與惡人，是菩薩謬。迦葉！是為菩薩四謬。

(2) 《佛說遺日摩尼寶經》(大正 12, 189c23-28)：

菩薩有四事得其過。何謂四事？

一者、本不相習不當妄信。二者、佛有深法不當妄教人，是為大過。三者、人有喜菩薩道者，反教人羅漢道，是為大過。四者、於比丘僧中，布施心不等與者，是為大過。是為四。

(3) 《佛說摩訶衍寶嚴經》(大正 12, 194c26-195a2)：

菩薩有四差違。云何為四？

一者、未悉眾生便謂親厚，菩薩差違。二者、眾生不能堪受微妙佛法而為說之，菩薩差違。三者、愛樂上妙為說下乘，菩薩差違。四者、眾生正行皆得妙法，而相違反，菩薩差違。是謂迦葉！菩薩有四差違。

- 一、於非器眾生說甚深法，是名錯謬。
- 二、樂深大法者，為說小乘，是名錯謬。
- 三、於正行道者，持戒善心，輕慢（66c）不敬，是名錯謬。
- 四、於未成就者，未可信而信，攝破戒惡人，以為親善，是名錯謬。

**(二) 四種菩薩道**

何等為四種菩薩道？<sup>29</sup>

(4) 《佛說大迦葉問大寶積正法經》卷1(大正12, 202c8-13):

佛告迦葉波：「菩薩有四種違犯。」

迦葉白言：「云何四種？」

「一者、眾生信根未熟而往化他，菩薩違犯。二者、下劣邪見眾生廣說佛法，菩薩違犯。三者、為小乘眾生說大乘法，菩薩違犯。四者、輕慢正行持戒眾生，攝受犯戒邪行眾生。迦葉！如是四種，菩薩違犯。」

(5) 《大乘寶雲經》卷7〈7寶積品〉(大正16, 277a12-17):

善男子！菩薩有四僻謬，何謂為四？

<sup>(1)</sup>不可信人與之同意，是菩薩謬。<sup>(2)</sup>非器眾生說甚深法，是菩薩謬。<sup>(3)</sup>樂大乘者為說小法，是菩薩謬。<sup>(4)</sup>若布施時，但施持戒供養善者，不施惡人，是菩薩謬。善男子！是名菩薩四種僻謬。

(6) 印順法師，《寶積經講記》，pp.48-50。

29 (1) 《大寶積經》卷112〈43普明菩薩會〉(大正11, 632b20-23):

菩薩有四正道。何謂為四？

<sup>(1)</sup>於諸眾生其心平等。<sup>(2)</sup>普化眾生等以佛慧。<sup>(3)</sup>於諸眾生平等說法。<sup>(4)</sup>普令眾生等住正行。迦葉！是為菩薩有四正道。

(2) 《佛說遺日摩尼寶經》(大正12, 189c28-190a2):

菩薩有四事得菩薩道。何謂四事？

一者、等心於十方人，二者、布施等心於十方人，三者、所作為等心於十方人，四者、說經等心於十方人。是為四。

(3) 《佛說摩訶衍寶嚴經》(大正12, 195a3-6):

菩薩有四道。云何為四？

一者、等心為一切眾生，二者、勸一切眾生學佛智慧，三者、為一切眾生而說正法，四者、令一切眾生順於正行。是謂迦葉！菩薩四道。

(4) 《佛說大迦葉問大寶積正法經》卷1(大正12, 202c21-25):

佛告迦葉波：「有四種法成菩薩道。」

迦葉白言：「云何四法？」

「一者、於一切眾生心行平等，二者、於一切眾生用佛智教化，三者、於一切眾生演說妙法，四者、於一切眾生行正方便。迦葉！如是四法，成菩薩道。」

(5) 《大乘寶雲經》卷7〈7寶積品〉(大正16, 277a17-20):

善男子！菩薩有四正道，何謂為四？<sup>(1)</sup>於諸眾生，生平等心。<sup>(2)</sup>普信眾生，

- 一、於一切眾生，行平等心。
- 二、以善法教化一切。
- 三、等為一切眾生說法。
- 四、以正行，行於一切眾生。

**(陸) 應離四種像菩薩法，應修四種真實功德**

**一、欲行四菩薩正道，應遠離像菩薩法，應修習真實功德**

若常行菩薩四種錯謬，不樂思惟諸法，不勤修習善法，則是像菩薩。

是故：諸菩薩法中，四種像菩薩，佛說如是法，一一應遠離。

**二、別釋**

**(一) 四種像菩薩法**

何等為四？<sup>30</sup>

等以佛慧。<sup>(3)</sup> 於諸眾生，說法平等。<sup>(4)</sup> 等令眾生，等住正行。善男子！是名菩薩有四正道。

(6) 印順法師，《寶積經講記》，pp.50-52。

<sup>30</sup> (1) 《大寶積經》卷 112 〈43 普明菩薩會〉(大正 11, 632c5-8)：

復次，迦葉！菩薩有四非菩薩而似菩薩。何謂為四？<sup>(1)</sup> 貪求利養而不求法。

<sup>(2)</sup> 貪求名稱，不求福德。<sup>(3)</sup> 貪求自樂，不救眾生以滅苦法。<sup>(4)</sup> 樂聚徒眾，不樂遠離。迦葉！是為四非菩薩而似菩薩。

(2) 《佛說遺日摩尼寶經》(大正 12, 190a2-5)：

菩薩有四事，矯稱為菩薩。何謂四事？

一者、依經得生活。二者、但欲聲名，不索佛道。三者、但欲自安，不念苦人。四者、但口多說，不欲度餘人。是為四。

(3) 《佛說摩訶衍寶嚴經》(大正 12, 195a17-20)：

復次迦葉！有四像菩薩。云何為四？

一者、貪利不求功德。二者、但自求樂，不為眾生。三者、但自除苦，不為眾生。四者、欲得眷屬，不樂遠離。是謂迦葉！四像菩薩。

(4) 《佛說大迦葉問大寶積正法經》卷 1 (大正 12, 203a29-b4)：

佛告迦葉波：「有四種法為菩薩影像。」

迦葉白言：「云何四法？」

「一者、為利養，不為法。二者、為要稱讚，不為戒德。三者、自利求安，不利苦惱眾生。四者、於實德能不生分別樂欲。迦葉！如是四法，為菩薩影像。」

(5) 《大乘寶雲經》卷 7 〈7 寶積品〉(大正 16, 277a29-b4)：

善男子！菩薩有四，實非菩薩而似菩薩。何謂為四？<sup>(1)</sup> 貪求利養而不求法。

<sup>(2)</sup> 貪求名稱，不求功德。<sup>(3)</sup> 貪求自樂，不救眾生。<sup>(4)</sup> 以滅苦法樂聚徒眾，不樂遠離。善男子。是名四非菩薩而似菩薩。

(6) 印順法師，《寶積經講記》，pp.57-58。

- 一、貪重利養，不貴於法。
- 二、但為名譽，不求功德。
- 三、求欲自樂，不念眾生。
- 四、貪樂眷屬，不樂遠離。是為四。

## (二) 四種真實菩薩法

問曰：像菩薩法云何可捨？

答曰：若菩薩應修菩薩初行功德，是則能離像菩薩法，是故菩薩若欲離像菩薩法，

如偈說：初行四功德，精勤令得生；生已令增長，增長已當護。

何等為四？<sup>31</sup>

一者，信解空法，亦信業果報。

二者，樂無我法，而於一切眾生生大悲心。

<sup>31</sup> (1) 《大寶積經》卷 112 〈43 普明菩薩會〉(大正 11, 632c8-12)：

復次迦葉！菩薩有四真實菩薩。何謂為四？

(1) 能信解空亦信業報。(2) 知一切法無有吾我，而於眾生起大悲心。<sup>(3)</sup> 深樂涅槃而遊生死。<sup>(4)</sup> 所作行施皆為眾生不求果報。迦葉！是為四種真實菩薩福德。

(2) 《佛說遺日摩尼寶經》(大正 12, 190a5-8)：

菩薩有四事成其功德。何謂四事？

一者、信虛空，二者、所作惡信當悔，三者、心念萬物皆非我所，四者、極大慈於十方人。是為四。

(3) 《佛說摩訶衍寶嚴經》(大正 12, 195a21-24)：

菩薩有四真功德。云何為四？

一者、解空而信行報。二者、解無吾我，大慈眾生。三者、雖樂泥洹不捨生死。四者、行布施欲化眾生，不望其報。是謂迦葉！菩薩四真功德。

(4) 《佛說大迦葉問大寶積正法經》卷 1 (大正 12, 203b11-16)：

佛告迦葉波：「有四種法為菩薩實德。」

迦葉白言：「云何四法？」

「一者、入空解脫門，信業報無性；二者、入無我無願門，雖得涅槃，恒起大悲樂度眾生；三者、於大輪迴巧施方便，四者、於諸有情雖行給施，不求果報。迦葉！如是四法，為菩薩實德。」

(5) 《大乘寶雲經》卷 7 〈7 寶積品〉(大正 16, 277b4-9)：

善男子！有四種真實菩薩。何謂為四？

(1) 能信於空亦信業報。(2) 知一切法無有吾我，而於眾生起大悲心。<sup>(3)</sup> 深樂涅槃而遊生死。<sup>(4)</sup> 所作布施皆為眾生不求果報。善男子！是為菩薩四種真實菩薩功德。

(6) 印順法師，《寶積經講記》，pp.59-60。

三者，心在涅槃而行在生死。

四者，布施為欲成就眾生，而不求果報。

**(柒) 應親近四種善知識、應遠離四種惡知識**

**一、欲生四種真實功德，應親近善知識，遠離惡知識**

若人欲生菩薩初行四功德，增長守護者，當親近善知識。如偈說：

**菩薩當親近，四種善知識；亦應當遠離，四種惡知識。**

菩薩愛樂阿耨多羅三藐三菩提者，應當親近恭敬供養四種善知識，當深遠離四種惡知識。

**二、別釋**

**(一) 四種善知識**

何等為四種善知識？<sup>32</sup>

<sup>32</sup> (1) 《大寶積經》卷 112 〈43 普明菩薩會〉(大正 11, 632b28-c4)：

菩薩有四善知識、四善等侶。何謂為四？

(1) 諸來求者是善知識，佛道因緣故。<sup>(2)</sup> 能說法者是善知識，生智慧故。<sup>(3)</sup> 能教他人令出家者是善知識，增長善法故。<sup>(4)</sup> 諸佛世尊是善知識，增長一切諸佛法故。迦葉！是為菩薩四善知識，四善等侶。

(2) 《佛說遺日摩尼寶經》(大正 12, 190a12-16)：

菩薩有四善知識。何等為四？

一者、人所求索不逆也，用是故成佛道。二者、經師是為善知識，多聞經故。三者、勸樂使人發意求佛，成於功德。四者、佛天中天是善知識，具足諸佛法故。是為四。

(3) 《佛說摩訶衍寶嚴經》(大正 12, 195a11-16)：

復次迦葉！菩薩有四善知識。云何為四？

(1) 來乞求者是菩薩知識，長養道故。<sup>(2)</sup> 為法師者是菩薩知識，多聞長養般若波羅蜜故。<sup>(3)</sup> 勸出家學道者是菩薩善知識，長養一切諸善根故。<sup>(4)</sup> 諸佛世尊是菩薩善知識，長養一切諸佛法故。是謂迦葉！菩薩四善知識。

(4) 《佛說大迦葉問大寶積正法經》卷 1 (大正 12, 203a16-21)：

佛告迦葉波：「有四種法為菩薩善友。」

迦葉白言：「云何四法？」

「一者、所有求菩提道者，為菩薩善友。二者、作大法師，為菩薩善友。三者、以聞思修慧出生一切善根者，為菩薩善友。四者、於佛世尊求一切佛法者，為菩薩善友。迦葉！如是四法，為菩薩善友。」

(5) 《大乘寶雲經》卷 7 〈7 寶積品〉(大正 16, 277a24-29)：

善男子！菩薩有四善知識、四善等侶。何謂為四？

(1) 諸來乞者是善知識，道因緣故。<sup>(2)</sup> 能說法者是善知識，增長善故。<sup>(3)</sup> 勸令出家是善知識，出三界苦。<sup>(4)</sup> 諸佛菩薩是善知識，增長一切正妙法故。

- 一、於來求者生賢友想，以能助成無上道故。
- 二、於說(67a)法者生善知識想，以能助成多聞智慧故。
- 三、稱讚出家者生善知識想，以能助成一切善根故。
- 四、於諸佛世尊生善知識想，以能助成一切佛法故。

## (二) 四種惡知識

何等為四種惡知識？<sup>33</sup>

善男子！是名菩薩四善知識四善等侶。

- (6) 《菩提資糧論》卷6(大正32, 539a18-23)：

四種菩薩善知識應當親近。何等為四？

所謂<sup>(1)</sup>法師是菩薩善知識，為助持聞慧故。<sup>(2)</sup>佛世尊是菩薩善知識，為助持諸佛法故。<sup>(3)</sup>勸出家者是菩薩善知識，為助持諸善根故。<sup>(4)</sup>乞求者是菩薩善知識，為助持菩提心故。此四種菩薩善知識應當親近。

- (7) 印順法師，《寶積經講記》，pp.55-57。

- <sup>33</sup> (1) 《大寶積經》卷112〈43普明菩薩會〉(大正11, 632b24-28)：

菩薩有四非善知識、非善等侶。何謂為四？

<sup>(1)</sup>求聲聞者，但欲自利。<sup>(2)</sup>求緣覺者，喜樂少事。<sup>(3)</sup>讀外經典路伽耶毘，文辭嚴飾。<sup>(4)</sup>所親近者，但增世利，不益法利。迦葉！是為菩薩有四非善知識、非善等侶。

- (2) 《佛說遺日摩尼寶經》(大正12, 190a8-12)：

菩薩有四惡知識。何謂四？

一者、教人為羅漢道滅意。二者、教人為辟支佛道，自守無為。三者、喜教人為教道。四者、人求有學經者，持財物誘恤，不肯教人。是為四。

- (3) 《佛說摩訶衍寶嚴經》(大正12, 195a7-10)：

復次迦葉！菩薩有四惡知識。云何為四？

一者、聲聞但自饒益。二者、緣覺少義少事。三者、世俗師典，專在言辯。

四者、習彼但得世法，不獲正法。是謂迦葉！菩薩四惡知識。

- (4) 《佛說大迦葉問大寶積正法經》卷1(大正12, 203a3-8)：

佛告迦葉波：「有四種法為菩薩怨而不可行。」

迦葉白言：「云何四法？」

「一者、樂修小乘自利之行。二者、行辟支佛乘淺近理法。三者、隨順世間呪術伎藝。四者、用世智聰辯集彼世間虛妄無利之法。迦葉！如是四法，為菩薩冤不可同行。」

- (5) 《大乘寶雲經》卷7〈7寶積品〉(大正16, 277a20-25)：

善男子！菩薩有四非善知識、非善等侶。何謂為四？

<sup>(1)</sup>求聲聞者，但欲自利。<sup>(2)</sup>求緣覺者，心樂少事。<sup>(3)</sup>歎外經典路伽耶陀，文章嚴飾。<sup>(4)</sup>所親近者，但增世利，不慕法利。善男子！是名菩薩有四非善知識、非善等侶。

- (6) 《菩提資糧論》卷6(大正32, 539a26-29)：

- 一、求辟支佛乘心，樂少欲少事。
- 二、求聲聞乘比丘，樂坐禪者。
- 三、好讀外道路伽耶<sup>34</sup>經，莊嚴文頌巧問答者。
- 四、所親近者，得世間利不得法利。

### 三、結說

是故菩薩應親近四善知識，遠離四惡知識。

**(擇) 欲得四大藏、過魔事、生福德、攝善法等四類四法，應遠離諸二法**

#### 一、得四大藏、過魔事、生福德、攝善法等四類四法

##### (一) 略說親近善知識能得四類功德

若菩薩能遠離四惡知識、親近四善知識者則<sup>(1)</sup>得四廣大藏、<sup>(2)</sup>過一切魔事法、<sup>(3)</sup>能生無量福德、<sup>(4)</sup>盡能攝取一切善法。

問曰：何等是菩薩大<sup>35</sup>藏法？何等是能過一切魔事法？何等是能生無量福德法？何等是能攝取一切善法？

答曰：諸菩薩有四，廣大藏妙法，四攝諸善法，菩提心為先。

##### (二) 別釋四類功德

四種菩薩惡知識，應當知之。何等為四？

所謂<sup>(1)</sup>世論者，習近種種雜辯才故。<sup>(2)</sup>攝世財物者，不攝法故。<sup>(3)</sup>獨覺乘者，少義利少作事故。<sup>(4)</sup>聲聞乘者，自利行故。

(7) 印順法師，《寶積經講記》，pp.52-55。

<sup>34</sup> (1)[隋]智顥說，《妙法蓮華經文句》卷8〈釋安樂行品〉(大正34, 120b12-15)：路伽耶，此云「惡論」，亦云「破論」。「逆路」者，逆君父之論。又「路」名為善論，亦名師破弟子，「逆路」名惡論，亦名弟子破師。

(2)[唐]慧琳撰《一切經音義》卷15(大正54, 399c15-16)：路迦耶經（梵語，此名惡論議，正梵音云路迦耶底迦，此則順世外道，隨順世間凡情，所說執計之法是常、是有等）。

(3)順世外道：梵名 Lokāyata 或 Lokāyatika。音譯路伽耶派、盧迦耶陀派、路歌夜多派、路迦也底迦派。又作順世派。為古印度婆羅門教之支派，主張隨順世俗，倡導唯物論之快樂主義。此派與阿耆毘濕派同為古印度自由思想之代表學派。此派以唯物論之立場，主張地、水、火、風等四元素合成吾人身心，人若命終，四大亦隨之離散，五官之能力亦還歸虛空，故吾人死後一切歸無，靈魂亦不存在。因此，此派否認輪迴、業，復否認祭祀、供儀、布施之意義。於認識論上主張感覺論，於實踐生活上主張快樂論。並反對婆羅門所主張之祭祀萬能主義，而傾向於詭辯之思想。（《佛光大辭典》(六)，p.5353.1-5353.2）

<sup>35</sup> (廣) + 大【宋】【元】【明】【宮】。(大正26, 67d, n.1)

**1、菩薩四大法藏**

何等為四？<sup>36</sup>

- 一、得值佛。
- 二、得聞六波羅蜜。
- 三、於說法者心無瞋闇<sup>37</sup>。
- 四、以不放逸心樂住阿練若處。是為四大藏。

**2、過一切魔事之四法**

能過一切魔者，有四法。何等四？<sup>38</sup>

<sup>36</sup> (1)《大寶積經》卷112〈43普明菩薩會〉(大正11, 632c13-16):

復次，迦葉！菩薩有四大藏。何謂為四？

若有<sup>(1)</sup>菩薩值遇諸佛。<sup>(2)</sup>能聞六波羅蜜及其義解。<sup>(3)</sup>以無礙心視說法者。

<sup>(4)</sup>樂遠離行，心無懈怠。迦葉！是為菩薩有四大藏。

(2)《佛說遺日摩尼寶經》(大正12, 190a16-19):

菩薩有四珍寶。何謂為四？

一者、見佛已悉供養無二意。二者、六波羅蜜法悉聞。三者、常淨心向師。

四者、止於愛欲，常止空閑處。是為四。

(3)《佛說摩訶衍寶嚴經》(大正12, 195a25-28):

菩薩摩訶薩有四大藏。云何為四？

一者、值佛出現於世，二者、聞說六度無極，三者、見法師心中無礙，四者、不放逸樂住山林。是謂迦葉！菩薩有四大藏。

(4)《佛說大迦葉問大寶積正法經》卷1(大正12, 203b22-26):

佛告迦葉波：「有四種法為菩薩大藏。」

迦葉白言：「云何四法？」

「一者、於諸佛所恭敬供養。二者、恒行六度大波羅蜜多。三者、尊重法師，心不退動。四者、樂居林野，心無雜亂。迦葉！如是四法，為菩薩大藏。」

(5)《大乘寶雲經》卷7〈7寶積品〉(大正16, 277b9-13):

善男子！菩薩有四大藏。何謂為四？

若有<sup>(1)</sup>菩薩值佛出世。<sup>(2)</sup>因爾得聞六波羅蜜及其義趣。<sup>(3)</sup>以無礙心侍說法者，不暫遠離，心無懈怠。<sup>(4)</sup>住阿蘭若而無放逸。善男子！是名菩薩有四大藏。

(6)《菩提資糧論》卷6(大正32, 539b7-10):

四種菩薩大藏，應當得之。何等為四？所謂<sup>(1)</sup>奉事出世諸佛，<sup>(2)</sup>聽聞六波羅蜜，<sup>(3)</sup>以無礙心見於法師，<sup>(4)</sup>以不放逸樂住空閑之處。此是四種菩薩大藏，應當得之。

(7)印順法師，《寶積經講記》，pp.61-62。

<sup>37</sup> 閻=礙【宋】【元】【明】【宮】下同。(大正26, 67d, n.2)

<sup>38</sup> (1)《大寶積經》卷112〈43普明菩薩會〉(大正11, 632c16-19):

- 一、不捨菩提心。
- 二、於一切眾生心無瞋礙。
- 三、覺知一切諸見。
- 四、於諸菩薩心無憍慢。是為四。

### 3、得無量福德之四法

得無量福德法，復有四法。何等為四？<sup>39</sup>

復次迦葉！菩薩有四法能過魔事。何謂為四？

(1) 常不捨離菩提之心，(2) 於諸眾生心無恚礙，(3) 覺諸知見，(4) 心不輕賤一切眾生。迦葉！是為菩薩四法，能過魔事。

(2) 《佛說遺日摩尼寶經》(大正 12, 190a19-22)：

菩薩有四事出於魔界。何謂為四？

一者、不捨菩薩心，二者、無有瞋恚心向於十方人大如毛髮，三者、悉學外餘道，四者、恭敬於諸菩薩。是為四。

(3) 《佛說摩訶衍寶嚴經》(大正 12, 195b1-4)：

菩薩有四法越度眾魔。云何為四？

一者、不捨菩薩心，二者、心不礙一切眾生，三者、不染著一切諸見，四者、不輕慢一切眾生。是謂迦葉！菩薩四法越度眾魔。

(4) 《佛說大迦葉問大寶積正法經》卷 1 (大正 12, 203c3-7)：

佛告迦葉波：「有四種法，遠離菩薩魔道。」

迦葉白言：「云何四法？」

「一者、所行諸行不離菩提心，二者、於一切眾生心無惱害，三者、於一切法明了通達，四者、於一切眾生不生輕慢。迦葉！如是四法，遠離菩薩魔道。」

(5) 《大乘寶雲經》卷 7 (7 寶積品) (大正 16, 277b13-16)：

善男子！菩薩有四種法能壞魔事。何謂為四？

(1) 常不捨離菩提之心。(2) 於諸眾生心無墨礙。(3) 於諸執著悉皆覺知。(4) 心不輕賤一切眾生。善男子！是名菩薩有四種法，能壞魔事。

(6) 印順法師，《寶積經講記》，pp.63-64。

<sup>39</sup> (1) 《大寶積經》卷 112 (43 普明菩薩會) (大正 11, 632c23-27)：

復次，迦葉！菩薩有四無量福德莊嚴。何謂為四？

(1) 以清淨心而行法施。(2) 於破戒人生大悲心。(3) 於諸眾生中稱揚讚歎菩提之心。(4) 於諸下劣修習忍辱。迦葉！是為菩薩有四無量福德莊嚴。

(2) 《佛說遺日摩尼寶經》(大正 12, 190a22-26)：

菩薩有四事，得功德不可復計。何謂為四？

一者、持法施與人，不希望欲有所得。二者、人有犯戒者，當慈哀之。三者、多教人為菩薩道。四者、有下賤人來毀辱菩薩，悉當忍之。是為四。

(3) 《佛說摩訶衍寶嚴經》(大正 12, 195b10-14)：

菩薩摩訶薩有四無量福行。云何為四？

- 一、於法施無所憚求。
- 二、於破戒惡人生大悲心。
- 三、於教眾生中發無上菩提。
- 四、於下劣眾生而行忍辱。是為四。

#### 4、攝一切善法之四法

攝一切善法者，有四法。何等為四？<sup>40</sup>

- 一、於空閑不現矯異<sup>41</sup>常行<sup>42</sup>。

---

一者、法施心無憚望，二者、見有犯戒興大悲心，三者、願一切眾生樂菩薩心，四者、見有羸劣不捨忍辱。是謂迦葉！菩薩四無量福行。

(4) 《佛說大迦葉問大寶積正法經》卷1(大正12, 203c25-29):

佛告迦葉波：「有四種法生菩薩無量福德。」

迦葉白言：「云何四法？」

「一者、恒行法施心無憚惜，二者、起大悲心救護破戒眾生，三者、化諸有情發菩提心，四者、於下劣惡人忍辱救護。迦葉！如是四法，出生菩薩無量福德。」

(5) 《大乘寶雲經》卷7〈7寶積品〉(大正16, 277b16-21):

善男子！菩薩有四不可思量福德行業。何謂為四？

(1) 以清淨心而行法施。(2) 於破戒人生大悲心。(3) 於諸眾生稱揚歎詠菩提之心。(4) 於無力者修習忍辱。善男子！是名菩薩有四不可思量福德行業。

(6) 印順法師，《寶積經講記》，pp.66-68。

<sup>40</sup> (1) 《大寶積經》卷112〈43普明菩薩會〉(大正11, 632c19-23):

菩薩有四法攝諸善根。何謂為四？

(1) 在空閑處離諂曲心。(2) 諸眾生中行四攝法而不求報。(3) 為求法故，不惜身命。(4) 修諸善根，心無厭足。迦葉！是為菩薩四法攝諸善根。

(2) 《佛說摩訶衍寶嚴經》(大正12, 195b5-10):

菩薩摩訶薩有四法攝受一切善法。云何為四？

一者、常止山澤，心無欺詐。二者、有恩無恩心常忍辱。三者、念報四恩，棄捨身命為眾生故。四者、求法而無厭足，具一切善根故。是謂迦葉！菩薩摩訶薩四法攝受一切善。

(3) 《佛說大迦葉問大寶積正法經》卷1(大正12, 203c14-19):

佛告迦葉波：「有四種法集菩薩一切善根。」

迦葉白言：「四法云何？」

「一者、樂住林間寂靜宴默。二者、布施、愛語、利行、同事攝諸眾生。三者、樂求妙法棄捨身命。四者、聞義不足集諸善根勤行精進。迦葉！如是四法，能集菩薩一切善根。」

(4) 印順法師，《寶積經講記》，pp.64-66。

<sup>41</sup> 矯異：故意與眾不同，有意立異。(《漢語大詞典》(七)，p.1551)。

<sup>42</sup> 常行：1.指平時的行為準則，永久實行的准則。3.日常實行。4.平常的行為。(《漢

二、行四攝法<sup>43</sup>不求恩報。

三、不惜身命護持正法。

四、種諸善根時以菩提心為先。是為四。

是一一四法 (67b) 皆應廣解，於文煩多故不廣<sup>44</sup>，今如佛所說以偈略解。

## 二、若菩薩欲得諸菩薩藏等，應當遠離諸二法

### (一) 總標

若菩薩欲得諸菩薩藏，欲過一切魔事，欲攝一切善法者，  
皆當遠離：二空繫、二縛，二障、二垢法，二瘡及二坑，二燒、二病法。  
若菩薩欲得諸菩薩藏等功德者，應當遠離是諸二法。

### (二) 別釋<sup>45</sup>

何等為二空<sup>46</sup>繫法？一、貪著應路伽耶等經，二、嚴飾衣鉢。

二縛者：一、著諸見縛，二、貪名<sup>47</sup>利縛。

二障法者：一、親近白衣，二、疎遠善人。

二垢法者：一、忍受諸煩惱，二、樂諸檀越知識。

二瘡法者：一、見他人過，二、自藏其過。

二坑法者：一、毀壞正法，二、破戒受供。

---

語大詞典》(三)，p.736)。

<sup>43</sup> (法) — 【宋】【元】【明】【宮】。(大正 26, 67d, n.3)

<sup>44</sup> 廣+ (說)【宋】【元】【明】。(大正 26, 67d, n.4)

<sup>45</sup> (1)《大寶積經》卷 112 〈43 普明菩薩會〉(大正 11, 636a16-29)：

出家之人有二不淨心。何謂為二？一者、讀誦路伽耶等外道經書，二者、多畜諸好衣鉢。

又出家人有二堅縛。何謂為二？一者、見縛，二者、利養縛。

又出家人有二障法。何謂為二？一者、親近白衣，二者、憎惡善人。

又出家人有二種垢。何謂為二？一者、忍受煩惱，二者、貪諸檀越。

又出家人有二兩竈，壞諸善根。何謂為二？一者、敗逆正法，二者、破戒受人信施。

又出家人有二瘡瘍。何謂為二？一者、求見他過，二者、自覆其罪。

又出家人有二燒法。何謂為二？一者、垢心受著法衣，二者、受他持戒善人供養。

又出家人有二種病。何謂為二？一者、懷增上慢而不伏心，二者、壞他發大乘心。

(2) 印順法師，《寶積經講記》，pp.202-209。

<sup>46</sup> (虛) + 空【宋】【元】【明】【宮】。(大正 26, 67d, n.5)

<sup>47</sup> (名) — 【宋】【元】【明】【宮】。(大正 26, 67d, n.6)

二燒法者：一、以穢濁心而著袈裟，二、受淨戒者供給。

出家之人有二病難治：一、增<sup>48</sup>上慢人自謂能降伏心，二、求大乘者沮壞<sup>49</sup>其意。

**(玖) 行四諦相能速得佛菩提，行四法為三聖所稱讚**

**一、遠離諸二法，更有得菩提四法，為三聖所稱歎之四法**

若菩薩遠離如是等法，更有疾得阿耨多羅三藐三菩提法，則能疾得，又得諸佛、辟支佛、阿羅漢之所稱歎。

問曰：何等法是疾得阿耨多羅三藐三菩提法？何等是諸佛、辟支佛、阿羅漢之所稱歎？

答曰：能行四諦相，疾得佛菩提；又<sup>50</sup>行四法者，三聖所稱歎。

**二、別釋**

**(一) 行四諦相，速得佛菩提**

何等為四諦相？

- 一、求一切善法故勤行精進。
- 二、若聽受讀誦經法，如所說行。
- 三、厭離三界如殺人處，常求免<sup>51</sup>出。
- 四、為利益安樂一切眾生故自利其心。

「諦」名真實不虛，得阿耨多羅三藐三菩提故名為不虛。

**(二) 行四法為三聖所稱歎**

復有四法為三聖稱歎，何等為四？

- 一、乃至失命不為惡事。
- 二、常行法施。
- 三、受法常一 (67c) 其心。
- 四、生染心即能正觀染心、起染因緣。是染根者，何名為染？何者是染？於何事起？誰生是染？如是正憶念，知虛妄無實、無有，決定信解諸法空故<sup>52</sup>、無所有法故。如是正觀染因緣故，不起諸惡業；餘一切煩

<sup>48</sup> (1) 憎=增【宋】【元】【明】【宮】。(大正 26, 67d, n.7)

(2)《大正藏》原作「憎」，今依【宋】本等改作「增」。

<sup>49</sup> 沮壞：毀壞，敗壞，破壞。(《漢語大詞典》(五), p.1072)。

<sup>50</sup> 又=及【宋】【元】【明】【宮】。(大正 26, 67d, n.8)

<sup>51</sup> 免=勉【宋】【元】【明】【宮】。(大正 26, 67d, n.9)

<sup>52</sup> 故+ (無有法)【宋】【元】【明】【宮】。(大正 26, 67d, n.10)

惱亦如是觀。

**貳、菩薩正行十法能淨治初地**

**(壹) 得聖人稱歎，具足捨心，能次第成就六種功德**

**一、無疲厭心**

菩薩得是大人所稱歎法，離諸惡煩惱業故，心則具足捨心者，如說：  
**具足於捨<sup>53</sup>心，求世出世利；求此諸利時，心無有厭倦。**<sup>54</sup>

是菩薩具足捨法，欲行法施、行財施利益眾生故，若求世間、出世間諸利，未得時心無疲懈。

**世間利者**，善解世間經書、技藝、方術、巧便等。

**出世間利者**，諸<sup>55</sup>無漏根、力、覺、道法。

**二、知經論義趣，三、善知世間宣法**

如說：如是求二利<sup>56</sup>，心無有疲懈，以無疲懈故，能得諸深法。<sup>57</sup>  
因從求經書，而能得智慧，具足知世間、最上第一法。<sup>58</sup>

<sup>53</sup> 於捨=捨於【宋】【元】【明】【宮】。(大正 26, 67d, n.12)

<sup>54</sup> (1)《十住經》卷 1〈1歡喜地〉(大正 10, 502b10-12)：

是菩薩以大悲心、大捨心救一切眾生故，轉勤推求世間、出世間利益勝事，心無疲懈，是故，菩薩生無疲倦功德。

(2)《大方廣佛華嚴經》卷 34〈26 十地品〉(大正 10, 182c25-28)：

佛子！菩薩以此慈、悲、大施心，為欲救護一切眾生，轉更推求世、出世間諸利益事無疲厭故，即得成就無疲厭心。

(3)《佛說十地經》卷 2〈1 菩薩極喜地〉(大正 10, 540a17-20)：

復次，菩薩既得如是大慈、大悲、大捨意樂已，為欲救拔一切有情，轉更訪求世出世間諸利益事，訪求之時心無厭倦，即得如是無厭倦性。

<sup>55</sup> (說) + 諸【宋】【元】【明】【宮】。(大正 26, 67d, n.13)

<sup>56</sup> 案：「二利」即「世間利、出世間利」。

<sup>57</sup> (1)《十住經》卷 1〈1歡喜地〉(大正 10, 502b12-13)：

於諸經書能自開解，是故生知經書功德。

(2)《大方廣佛華嚴經》卷 34〈26 十地品〉(大正 10, 182c28-29)：

得無疲厭心已，於一切經論心無怯弱；無怯弱故，即得成就一切經論智。

(3)《佛說十地經》卷 2〈1 菩薩極喜地〉(大正 10, 540a20-21)：

無厭倦者，於一切論得無怯弱故，此菩薩於諸論中智得成就。

<sup>58</sup> (1)《十住經》卷 1〈1歡喜地〉(大正 10, 502b13-16)：

得如是知經書智慧，善能籌量應作、不應作，於上中下眾生隨宜而行，隨有依止來親近者隨力利益，是故，菩薩生世智功德。

(2)《大方廣佛華嚴經》卷 34〈26 十地品〉(大正 10, 182c29-183a3)：

「無疲懈」者，疲懈名厭惡。

所學若無厭惡則心無疲倦；若無疲倦則求諸經、藝、醫方、技術、禮儀、法則皆無疲倦。無疲倦故則得智慧，具足深知世間宜法。

「世間法」者，方俗<sup>59</sup>所宜。隨世間心，世間治法皆悉能知，是故能知上、中、下眾生宜而引導。

#### 四、具足慚愧心

##### (一) 善知世間法，知罪福，具足慚愧心

善解世間事，深有慚愧心。隨宜引導者，於上、中、下者各有所宜。

「慚愧」<sup>60</sup>者，自恥所行名為慚，因他生恥名為愧；有人以自作而羞，見他而愧。世間法中，愧為先用。如經說：「二清白法，護持世間，所謂慚愧。」<sup>61</sup>

如偈說：(68a) 隨人有愧時，知法知罪福；無愧善人遠，無惡而不作。<sup>62</sup>

---

獲是智已，善能籌量應作、不應作，於上、中、下一切眾生，隨應、隨力、隨其所習，如是而行，是故菩薩得成世智。

(3)《佛說十地經》卷2〈1菩薩極喜地〉(大正10, 540a21-23)：

此以如是諸論相應，應不應作善籌量，智於劣、中、勝諸有情，所如應、如宜而修正行故，此世智而得成就。

<sup>59</sup> 方俗：地方風俗。(《漢語大詞典》(六), p.1562)

<sup>60</sup> (1)《大般涅槃經》卷19〈8梵行品〉(大正12, 477b25-c1)：

諸佛世尊常說是言：「有二白法能救眾生，一、慚，二、愧。

慚者自不作罪，愧者不教他作；慚者內自羞恥，愧者發露向人；慚者羞人，愧者羞天；是名慚愧。

無慚愧者不名為人，名為畜生。有慚愧故，則能恭敬父母師長；有慚愧故，說有父母兄弟姊妹。」

(2)參見《大毘婆沙論》卷35(大正27, 180a28-181b2)。

(3)《阿毘曇毘婆沙論》卷19〈5無慚愧品〉(大正28, 136b9-137a1)。

<sup>61</sup> (1)《雜阿含經》卷47(1243經)(大正2, 340c23-29)：

爾時，世尊告諸比丘：「有二淨法能護世間。何等為二？所謂慚、愧。假使世間無此二淨法者，世間亦不知有父母、兄弟、姊妹、妻子、宗親、師長、尊卑之序，顛倒渾亂如畜生趣。以有二種淨法，所謂慚、愧，是故世間知有父母，乃至師長、尊卑之序，則不渾亂如畜生趣。」

(2)《增壹阿含經》卷9〈18慚愧品〉(1經)(大正2, 587b5-14)。

(3)《七處三觀經》卷1(40經)(大正2, 881b8-17)。

<sup>62</sup> (1)《十住經》卷1〈1歡喜地〉(大正10, 502b16-18)：

得世智功德則知時、知量，慚愧莊嚴，修習自利利彼之道，是故則生慚愧功德。

**(二) 釋疑：菩薩何須知世間宣法**

問曰：何故殷懃教菩薩善知世間宣法？

答曰：菩薩若知世間法者，則於眾生易相悅入，化導其心，令住大乘。

若不知世法，乃至不能教化一人，是故世間法者，則是教化眾生方便之道。

**(三) 別釋「愧、恭敬」二心**

菩薩如是知世間法，具足慚愧心。如說：

**加惡而敬養，何況利己者！有愧有恭敬，不輕笑善者。**

是菩薩愧心多故，於諸惡人尚<sup>63</sup>能恭敬供養、迎送問訊，何況善人能利我有功德者！有愧、恭敬二心故，於諸賢善少知識者，而不輕慢，作是念：

「有功德者，自隱於世，如灰覆火；鄙薄<sup>64</sup>世法，不應輕賤，若我以小因緣而輕賤者，即便得罪。」

**五、成堪忍力**

復次，凡諸有所作，雖難能究竟，則於世間中，亦是不退相。<sup>65</sup>

是菩薩凡有所作，若起塔寺、若設大會、若救罪人，如是等一切世間諸難事中，心無廢退。所造未成，要以種種諸方便力，身、口、心力令得成就。不但佛法有不退轉，世間事中亦有不退轉相。

問曰：以何因緣能成此事？

答曰：有堪忍力者，則能究竟。

---

(2) 《大方廣佛華嚴經》卷 34 〈26 十地品〉(大正 10, 183a3-4)：

成世智已，知時知量，以慚愧莊嚴勤修自利、利他之道，是故成就慚愧莊嚴。

(3) 《佛說十地經》卷 2 〈1 菩薩極喜地〉(大正 10, 540a23-25)：

得世智已，應時、應分、應量而行，以慚愧莊嚴心之相續，勤修自利利他加行，由此菩薩慚愧得成。

<sup>63</sup> 尚=常【宋】【元】【明】【宮】。(大正 26, 68d, n.2)

<sup>64</sup> 鄙薄：1.鄙陋淺薄。(《漢語大詞典》(十), p.680)

<sup>65</sup> (1) 《十住經》卷 1 〈1 歡喜地〉(大正 10, 502b18-20)：

如是功德行中精勤修行，心不懈退，是精進不退功德，即時得堪受力。

(2) 《大方廣佛華嚴經》卷 34 〈26 十地品〉(大正 10, 183a5)：

於此行中勤修出離，不退不轉，成堅固力。

(3) 《佛說十地經》卷 2 〈1 菩薩極喜地〉(大正 10, 540a26-28)：

即於如是正加行中皆能出離，得無退屈及無轉易力所持性，是故菩薩堅力持性而得發生。

## 六、供養諸佛而正修行

如說：得大堪忍力，深供養諸佛，隨佛所教化，皆悉能受持。<sup>66</sup>

菩薩得堪忍力故，以是力於諸佛供養敬禮，隨宜供奉衣服、飲食等。

又佛教化，若持戒、禪定，若降伏心意，若實觀諸法，於是事中，(68b)用堪任力，如人得利刀，宜應有益中用，不於無益中用。

### (貳) 淨治初地十法

#### 一、舉偈總說

如說：

以<sup>(1)</sup>信<sup>(2)</sup>悲<sup>(3)</sup>慈<sup>(4)</sup>捨，堪受<sup>(5)</sup>無疲厭<sup>67</sup>，又<sup>(6)</sup>能知義趣，<sup>(7)</sup>引導眾生心，

<sup>(8)</sup>愧<sup>(9)</sup>堪受第一，<sup>(10)</sup>深供養諸佛，住佛所說中，正行此十法，

能<sup>68</sup>淨治初地，是則菩薩道。<sup>69</sup>

<sup>66</sup> (1)《十住經》卷1〈1歡喜地〉(大正10, 502b20-21)：

得堪受力已，勤行供養諸佛，隨佛所說，如說而行。

(2)《大方廣佛華嚴經》卷34〈26十地品〉(大正10, 183a5-6)：

得堅固力已，勤供諸佛，於佛教法能如說行。

(3)《佛說十地經》卷2〈1菩薩極喜地〉(大正10, 540a28-29)：

菩薩得此堅力持已，即能慇懃供養、承事諸佛如來及教法中而正修行。

<sup>67</sup> 厥=倦【宋】【元】【明】【宮】。(大正26, 68d, n.3)

<sup>68</sup> 「能淨乃至道」十字，宋元明宮四本俱作長行。(大正26, 68d, n.4)

<sup>69</sup> (1)《十住經》卷1〈1歡喜地〉(大正10, 502b21-23)：

諸佛子！是菩薩，悉知生起如是清淨地法，所謂<sup>(1)</sup>信、<sup>(2)</sup>慈、<sup>(3)</sup>悲、<sup>(4)</sup>捨、<sup>(5)</sup>不疲惓、<sup>(6)</sup>知諸經書、<sup>(7)</sup>善解世法、<sup>(8)</sup>慚愧、<sup>(9)</sup>堪受力、<sup>(10)</sup>供養諸佛，如所說行。

(2)《大方廣佛華嚴經》卷34〈26十地品〉(大正10, 183a6-9)：

佛子！菩薩如是成就十種淨諸地法，所謂<sup>(1)</sup>信、<sup>(2)</sup>悲、<sup>(3)</sup>慈、<sup>(4)</sup>捨、<sup>(5)</sup>無有疲厭、<sup>(6)</sup>知諸經論、<sup>(7)</sup>善解世法、<sup>(8)</sup>慚愧、<sup>(9)</sup>堅固力、<sup>(10)</sup>供養諸佛、依教修行。

(3)《佛說十地經》卷2〈1菩薩極喜地〉(大正10, 540a29-b3)：

菩薩如是成就十種淨諸地法，所謂<sup>(1)</sup>淨信、<sup>(2)</sup>慈、<sup>(3)</sup>悲、<sup>(4)</sup>慧捨<sup>※</sup>、<sup>(5)</sup>無有厭倦、<sup>(6)</sup>善知諸論、<sup>(7)</sup>善解世間、<sup>(8)</sup>慚愧莊嚴、<sup>(9)</sup>堅力持性、<sup>(10)</sup>供養諸佛。

※ 案：「慧捨」，比對其他經論，或可理解為「惠捨、惠施」。

(4) 參見《瑜伽師地論》卷47(大正30, 555b29-c18)。

(5) 參見《瑜伽師地論》卷49(大正30, 565b1-24)。

## 二、略釋十法

### (一) 信

若菩薩以信為始，後住佛故<sup>70</sup>，則能淨治初地，是十法中以「信」為初。

「信」，名於諸佛法因緣中心得決定，又加好樂。何以故？是菩薩心性清淨故，得深根信力。

### (二) 大悲

有信力故，於眾生中而生悲心。作是念：「一切諸佛法，以大悲為本，我今一心好樂佛法，是故於眾生中，應生悲心。」此悲漸增，則成大悲。

### (三) 慈

得大悲故，於眾生中則生慈心。作是念：「我應隨力利益眾生。」則成實悲。

### (四) 捨

行慈利眾生時，即能行捨，內外所有皆能施與。作是念：「如我是物，為欲利益安樂眾生。」則成實慈。

### (五) 無疲厭

又諸眾生信受我語，為欲行捨，求利財物故，堪受種種諸苦惱事。作是念：「若有疲厭，則於世間技藝、經書、田<sup>71</sup>作、工巧諸求財利因緣，則無所獲。」

是故應於世間技藝、經書等無有疲厭。

### (六) 能知義趣

以堪受故，能知義趣。作是念：「世間經書以義為味。」

若人善知經書義味，則於世間<sup>72</sup>法悉能通了。

### (七) 引導眾生

能通了故，則能引導上、中、下眾生。

### (八) 懈愧

作是念：「若人無有慚愧，則不能令眾生歡喜。」

為令歡<sup>73</sup>喜故，當行慚愧。

<sup>70</sup> 故=教【宋】【元】【明】【宮】。(大正 26, 68d, n.5)

<sup>71</sup> 田=佃【宋】【元】【明】【宮】。(大正 26, 68d, n.6)

<sup>72</sup> (間) - 【宋】【元】【明】【宮】。(大正 26, 68d, n.7)

**(九) 堪受**

作是念：「若無堪受，則不成世間、出世間利。有堪受故，則能引導一切眾生皆令歡喜；(68c) 心歡喜故，信受我語。」  
以信受故，勤行方便而作唱導<sup>74</sup>。

**(十) 供養諸佛**

作是念：「若眾生供養佛者，則多所利益。」  
欲令眾生供養佛故，即自一心供養於佛及形像舍利。眾生信受，則便隨效供養於佛，種人天因緣，住於三乘。

**(參) 結說**

菩薩如是次行十法，則能淨治初地。

---

<sup>73</sup> (歡) — 【宋】【元】【明】【宮】。(大正 26, 68d, n.8)

<sup>74</sup> 唱導：1.前導，領先。2.猶倡導。帶頭提倡。3.佛教語。謂講經說法，宣唱開導。  
(《漢語大詞典》(三), p.382)